



# Službeni glasnik

## Općine Donji Vakuf

Broj 1/02

Donji Vakuf, 19.03.2002. god.

Strana 1

Na osnovu člana 25. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01) Općinsko vijeće Donji Vakuf je na sjednici održanoj 22.12.2001. godine, donijelo

### **O D L U K U**

#### **o izmjeni i dopuni Odluke o verifikaciji vijećničkih mandata**

##### **Član 1.**

Utvrđuje se prestanak mandata vijećnika Općinskog vijeća Donji Vakuf vijećniku ČALUK NEVZETI, na vlastiti zahtjev - podnošenjem ostavke na poziciju na koju je izabrana.

##### **Član 2.**

Verifikuje se mandat vijećnika u Općinskom vijeću Donji Vakuf OMERAGIĆ ISMAILU, kandidatu s potvrđene liste Socijaldemokratske partije BiH.

##### **Član 3.**

Ovu Odluku objaviti u "Službenom glasniku Općine Donji Vakuf".

Broj: 01/1-05-1548/01  
Donji Vakuf, 24.12.2001. godine

PREDSJEDAJUĆI OPĆINSKOG VIJEĆA  
Hadžić Džavid, dipl.ing šumarstva

Na osnovu člana 2.12 stav 5. i 6. Izbornog zakona Bosne i Hercegovine ("Službeni glasnik Bosne i Hercegovine", broj: 23/01) i člana 34. Statuta Općine Donji Vakuf ("Službeni glasnik Općine Donji Vakuf", broj: 2/98), Općinsko vijeće Donji Vakuf je na sjednici održanoj 22.12.2001. godine, donijelo

### **O D L U K U**

#### **o imenovanju Općinske izborne komisije**

##### **Član 1.**

Ovom odlukom imenuje se Općinska izborna komisija Donji Vakuf u sastavu:

1. AŠIŠ HAMIDA - predsjednik
2. KURIĆ AJDA - član
3. KILIM BISERA - član

Mandat imenovane Komisije je pet godina.

##### **Član 2.**

Nadležnosti imenovane Komisije regulisane su članom 2.13 Izbornog zakona Bosne i Hercegovine ("Službeni glasnik Bosne i Hercegovine", broj:23/01).

##### **Član 3.**

Ovu odluku dostaviti Izornoj komisiji Bosne i Hercegovine na saglasnot, a po dobijanju saglasnosti istu objaviti u "Službenom glasniku Općine Donji Vakuf".

Broj: 01/1-05-1527/01  
Donji Vakuf, 24.12.2001. godine

PREDSJEDAJUĆI OPĆINSKOG VIJEĆA  
Hadžić Džavid, dipl.ing šumarstva

Na osnovu člana 2.12 stav 5. Izbornog zakona Bosne i Hercegovine ("Službeni glasnik Bosne i Hercegovine", broj: 23/01), Izborna komisija Bosne i Hercegovine na sjednici održanoj 07.03.2002. godine, donijela je

### **ODLUKU**

#### **I**

Daje se saglasnost na imenovanje članova Općinske izborne komisije DONJI VAKUF u sastavu:

HAMIDA AŠIŠ  
AJDA KURIĆ

**II**

U postupku donošenja Odluke utvrđeno je da članovi iz tačke I ove Odluke ispunjavaju Zakonom i Odlukom Izborne komisije BiH o utvrđivanju kvalifikacija za članove izbornih komisija i biračkih odbora, broj 01-03/01 od 27.11.2001. godine utvrđene uslove.

**III**

Ova Odluka stupa na snagu danom donošenja.

Broj: 02-169/01  
Sarajevo, 11.03.2002. godine

PREDSJEDNIK  
IZBORNE KOMISIJE BiH  
Lidija Korać

Na osnovu člana 2.14 stav 3. Izbornog zakona Bosne i Hercegovine ("Službeni glasnik Bosne i Hercegovine", broj: 23/01), Izborna komisija Bosne i Hercegovine na sjednici održanoj 07.03.2002. godine, donijela je

**ODLUKU****I**

U postupku davanja saglasnosti na Odluku o imenovanju Općinske izborne komisije DONJI VAKUF, utvrđeno je da sastav Općinske izborne komisije nije u skladu sa odredbama Izbornog zakona Bosne i Hercegovine.

**II**

Umjesto člana Općinske izborne komisije BISERA KILIM, koja ne zadovoljava kriterijume za članstvo u Općoj izbornoj komisiji, za člana Općinske izborne komisije imenuje se

DRAGAN KALABA

**III**

U postupku donošenja Odluke utvrđeno je da imenovani član iz tačke II ove Odluke ispunjava Zakonom i Odlukom Izborne komisije BiH o utvrđivanju kvalifikacija za članove izbornih komisija i biračkih odbora, broj 01-03/01 od 27.11.2001. godine utvrđene uslove.

**IV**

Ova Odluka stupa na snagu danom donošenja.

Broj: 02-169/01  
Sarajevo, 11.03.2002. godine

PREDSJEDNIK  
IZBORNE KOMISIJE BiH  
Lidija Korać

Vijeće Općine Donji Vakuf, na svojoj sjednici održanoj dana 22.12.2001. godine, na osnovu člana 55. Zakona o građevinskom zemljištu ("Sl. list SR BiH", broj: 34/86 i 1/90), člana 26. Odluke o uslovima i načinu dodjele građevinskog zemljišta društvene svojine na korištenje radi građenja ("Sl. glasnik općine Donji Vakuf", broj: 5/98 i 7/98) i člana 34. Statuta općine Donji Vakuf ("Sl. glasnik općine Donji Vakuf", broj: 2/98) a postupajući po zahtjevu OPARDIJA NAILA sina Naima iz Sandžaka, općina Donji Vakuf, za utvrđivanje trajnog prava korištenja izgrađenog građevinskog zemljišta, donosi

**RJEŠENJE**

1. PREUZIMA SE od RO VRBASPROMET TP, OOUR TRGOVINA NA MALO iz Donjeg Vakufa, kao ranijeg posjednika - korisnika građevinskog zemljišta društvene - državne svojine evidentiranog po katastru kao k.p. 709/2 zv Jaz - kuća I zgrada od 140 m<sup>2</sup> I pijaca od 120 m<sup>2</sup> iz p.l. 318 u k.o. Donji Vakuf I a po gruntovnici kao k.č. 7/124 iz z.k. ul. 3898 u k.o. Donji Vakuf.

2. UTVRĐUJE SE da OPARDIJA NAIL sin Naima iz Donjeg Vakufa, IMA TRAJNO PRAVO KORIŠTENJA građevinskog zemljišta društvene - državne svojine evidentiranog kao k.p. 709/2 iz p.l. NOVI u k.o. Donji Vakuf I a po gruntovnici kao k.č. 7/124 iz z.k. ul. NOVI u k.o. Donji Vakuf.

3. Naknada za utvrđeno trajno pravo korištenja građevinskog zemljišta društvene - državne svojine utvrđuje se u iznosu od 1.080,00 KM.

Utvrđeni iznos naknade imenovani je dužan uplatiti na žiro račun općine Donji Vakuf, broj: 1110330000006907 kod Privredne banke Travnik, vrsta prihoda 722431, i to odmah po pravosnažnosti rješenja.

4. Zemljišno-knjižni ured Općinskog suda u Bugojnu I Katastar općine Donji Vakuf će na osnovu ovog rješenja, u zemljišnim knjigama izvršiti brisanje dosadašnjih korisnika-posjednika zemljišta iz tačke 1. dispozitiva, te upis trajnog prava korištenja zemljišta iz tačke 2. dispozitiva rješenja na ime OPARDIJA NAILA sina Naima iz Donjeg Vakufa sa 1/1 dijela.

**O b r a z l o ž e n j e**

OPARDIJA NAIL sin Naima iz Sandžaka, općina Donji Vakuf, obratio se ovom Vijeću sa zahtjevom da se utvrdi da on kao vlasnik poslovne zgrade izgrađene na zemljištu društvene - državne svojine ima trajno pravo korištenja građevinskog zemljišta približe opi-

sanog pod tačkom 1. dispozitiva.

Postupajući po podnesenom zahtjevu imenovanog a nakon izvršenog uvida u podnesenu dokumentaciju utvrđeno je,

- da je na građevinskom zemljištu društvene - državne svojine evidentiranom po katastru kao k.p. 709/2 iz p.l. 318 k.o. Donji Vakuf I, a po gruntovnici kao k.č. 7/124 iz z.k. ul. 3898 u k.o. Donji Vakuf, izgrađen poslovni objekat, te da je isti upisan uknjižen u zemljišnim knjigama,

- da je posjednik odnosno nosilac prava raspolaganja na predmetnom poslovnom objektu upisana RO Vrbaspromet OOUR Trgovina na malo Donji Vakuf sa 1/1 dijela, kao i to da imenovana OOUR-a ima pravo korištenja zemljišta evidentiranog kao k.č. 7/124,

- da je ugovorima o kupoprodaji predmeta tendera br. 27/99 od 03.12.1999. godine I br. 44/00 od 15.03. 2002. godine zaključenim između D.D. Vrbaspromet Donji Vakuf I Opardija Naila iz Donjeg Vakufa, imenovani izvršio kupovinu 2 (dva) poslovna prostora, a koja se nalaze u predmetnoj poslovnoj zgradi.

Nakon izvršenog saslušanja ovlaštenog predstavnika Vrbasprometa Donji Vakuf, utvrđeno je da je navedeno preduzeće u pripremama za privatizaciju od jednog poslovnog prostora koji je bio u poslovnoj zgradi, sačinilo dva poslovna prostora koje je Opardija Nail, kupio, tako da je isti sada faktički vlasnik kompletne poslovne zgrade, koja se nalazi na parceli k.p. 709/2 (po katastru) odnosno 7/124 (po grunti). Također je utvrđeno da u cijeni tendera nije uračunata cijena zemljišta koje služi za redovnu upotrebu objekta.

Imajući u vidu činjenicu da je podnosilac zahtjeva izvršio kupovinu cjelokupnog objekta, te da ugovorom odnosno tenderom nije bilo obuhvaćeno zemljište pod objektom I zemljište koje služi redovnoj upotrebi objekta, to je ovo Vijeće postupajući po zahtjevu imenovanog a shodno odredbama člana 12. Zakona o izmjenama i dopunama Zakona o građevinskom zemljištu i riješilo kao u tačkama 1. i 2. dispozitiva rješenja, odnosno utvrdilo trajno pravo korištenja zemljišta u korist podnosioca zahtjeva.

Odredbama tačke 3. dispozitiva rješenja o naknadi za utvrđeno trajno pravo korištenja zemljišta, temelji se na odredbi člana 12. Zakona o izmjenama i dopunama Zakona o građevinskom zemljištu ("Sl. list SR BiH", broj: 1/90), a njena visina je utvrđena na osnovu članova 5. i 6. Odluke o osnovama i mjerilima za utvrđenje visine naknade za korištenje gradskog građevinskog zemljišta ("Sl. glasnik općine Donji Vakuf", broj: 5/98).

Na osnovu svega gore izloženog i riješeno je kao u dispozitivu rješenja.

Protiv ovog rješenja ne može se izjaviti žalba ali se može pokrenuti Upravni spor kod Kantonalnog suda u Travniku u roku od 30 dana od dana prijema rješenja. Tužba se podnosi neposredno navedenom sudu u dva primjerka.

Broj: 01/1-31-1523/01  
Donji Vakuf, 24.12.2001. godine

PREDSJEDAVAJUĆI OPĆINSKOG VIJEĆA  
Hadžić Džavid, dipl.ing šumarstva

Vijeće općine Donji Vakuf na svojoj sjednici održanoj dana 22.12.2001. godine, na osnovu člana 47. stav 2. Zakona o građevinskom zemljištu ("Sl. list SR BiH", broj: 34/86 i 1/90) i člana 34. Statuta općine Donji Vakuf ("Sl. glasnik općine Donji Vakuf", broj: 2/98) a postupajući po zahtjevu NENAD BORISLAVA sina Jovana, zastupanog po punomoćniku Miralem Arifu, advokatu iz Donjeg Vakufa, za utvrđivanje i prenos prava korištenja na neizgrađenom građevinskom zemljištu, donosi

### RJEŠENJE

ODBIJA SE zahtjev NENAD BORISLAVA sina Jovana iz Donjeg Vakufa, trenutno nastanjenog u Banja Luci, za utvrđivanje i prenos prava korištenja na neizgrađenom građevinskom zemljištu društvene - državne svojine evidentiranog po gruntovnici kao k.č. 447/5 iz z.k. ul. 1102u k.o. Donji Vakuf.

### Obrazloženje

NENAD BORISLAV sin Jovana iz Donjeg Vakufa, trenutno nastanjen u Banja Luci, putem punomoćnika Miralem Arifa, advokata iz Donjeg Vakufa, obratio se ovom Vijeću sa zahtjevom da se izvrši prenos prava korištenja na neizgrađenom građevinskom zemljištui društvene - državne svojine evidentiranog kao k.č. 447/5 u površini od 554 m2 iz z.k. ul. 1102 u k.o. Donji Vakuf. U svom zahtjevu imenovani je naveo da je 1963. godine putem licitacije od Zemljoradničke zadruge Donji Vakuf kupio predmetno zemljište te da je isto katastarski upisano na njegovo ime a po zemljišnoj knjizi (gruntovnici) da nikada nije provedeno na njega.

Postupajući po podnesenom zahtjevu imenovanog Općinska služba za geodetske i imovinsko-pravne poslove je na osnovu dokumentacije koja se nalazi kod službe našla da je tačan navod imenovanog. Naime, uvidom u ugovor OV br. 254/64 od 10.03.1964. godine, utvrđeno je da je Zemljoradnička zadruga Donji Vakuf prodala Nenad Borislavu parcelu evidentiranu kao k.č. 447/2 iz 1750 m2 iz z.k. ul. 1102 k.o. Donji Vakuf. Uvidom u z.k. ul. 2973 u k.o. Donji

Vakuf, utvrđeno je da je predmetna parcela a na osnovu navedenog ugovora i upisana na ime Nenad Borislava sina Jovana sa 1/1 dijela.

Izvršenom identifikacijom predmetnog zemljišta po starom i novom katastarskom premjeru utvrđeno je da parceli k.č. 447/5 iz z.k. ul. 1102 u k.o. Donji Vakuf, a koja se vodi kao Društvena svojina, odgovaraju katastarske parcele k.p. 2741 i k.p. 2742 a na kojima se nalazi izgrađen montažni objekat.

Imajući u vidu nađeno ovo Vijeće je ocijenilo da nisu ispunjeni uslovi da se imenovanom dodijeli predmetno zemljište odnosno utvrdi pravo korištenja, te je riješilo kao u dispozitivu rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Travniku u roku od 30 dana od dana prijema rješenja. Tužba se podnosi navedenom sudu u dva primjerka.

Broj: 01/1-31-1524/01  
Donji Vakuf, 24.12.2001. godine

PREDSJEDAVAJUĆI OPĆINSKOG VIJEĆA  
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf je na sjednici održanoj 09.11.2001. godine, donijelo

## ZAKLJUČAK

### po pitanju stanja u privredi i odnosa privrednika prema plaćanju i visini cijena naknade za korištenje gradskog građevinskog zemljišta

#### I

1. Općinski načelnik i Pomoćnik načelnika za privredu i finansije će u roku od pet dana, pojedinačno sa privrednim subjektima vidjeti šta se može realno naplatiti do kraja godine, odnosno šta se može uraditi na punjenju Budžeta općine do 31.12.2001. godine kako bi se uradio Rebalans Budžeta.

2. Općinski načelnik i Pomoćnik načelnika za privredu i finansije će po pitanju naplate starih dugovanja po osnovu naknade za korištenje gradskog građevinskog zemljišta, uraditi Program-Prijedlog koji će sadržavati podatke o tome šta se od starih potraživanja realno može očekivati i u kojem roku.

3. Naknadu za korištenje gradskog građevinskog zemljišta, u narednom periodu, bazirati na realnim mogućnostima privrednih subjekata i potrebama Općine Donji Vakuf. U tom smislu, a da bi imali osnov, ići na dogradnju odnosno izmjene i dopune postojeće Odluke pri čemu treba razmostriti i iznešene prijedloge:

- da se sredstva po osnovu naknade ne unose u Bu-

džet, no da budu poseban vanbudžetski fond, te da se ista sredstva koriste namjenski,

- da se ustanovi industrijska zona koja bi u pogledu rente imala posebno povoljan tretman,

- da se naknada za korištenje gradskog građevinskog zemljišta utvrđuje u paušalnom iznosu.

#### II

Ovaj zaključak objaviti u "Službenom glasniku Općine Donji Vakuf".

Broj: 01/1-14-1381/01  
Donji Vakuf, 12.11.2001. godine

PREDSJEDAVAJUĆI OPĆINSKOG VIJEĆA  
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf je na sjednici održanoj 22.12.2001. godine usvojilo

## ZAKLJUČAK

### o prihvatanju Nacrta Programa uređenja gradskog građevinskog zemljišta za 2002. godinu

1. Ponuđeni Program uređenja gradskog građevinskog zemljišta za 2002. godinu sa usvojenim amandmanima na isti prihvata se kao NACRT i biti će upućen na raspravu po mjesnim zajednicama.

2. Ovaj Zaključak objaviti u "Službenom glasniku Općine Donji Vakuf".

Broj: 01/1-23-1521/01  
Donji Vakuf, 24.12.2001. godine

PREDSJEDAVAJUĆI OPĆINSKOG VIJEĆA  
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf je na sjednici održanoj 22.12.2001. godine usvojilo

## ZAKLJUČAK

### o prihvatanju Nacrta Odluke o komunalnom redu

1. Ponuđena Odluka o komunalnom redu sa usvojenim amandmanima na istu prihvata se kao NACRT i bit će upućena u proceduru po mjesnim zajednicama.

2. Prijedlog Odluge o komunalnom redu bit će



urađen do kraja februara 2002. godine.

3. Ovaj Zaključak objaviti u "Službenom glasniku Općine Donji Vakuf".

Broj: 01/1-23-1522/01  
Donji Vakuf, 24.12.2001. godine

PREDSJEDAVALAČI OPĆINSKOG VIJEĆA  
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf je na sjednici održanoj 22.12.2001. godine, usvojilo

### ZAKLJUČAK

#### o oslobađanju plaćanja naknade Dobrovoljnog Vatrogasnog društva Prusac

1. Dobrovoljno vatrogasno društvo Prusac, kojem je Rješenjem Općinskog vijeća broj 01/1-31-1297/01 od 31.10.2001. godine dodijeljeno na korištenje građevinsko zemljište društvene-državne svojine, oslobađa se plaćanja naknade za dodijeljeno zemljište i naknade za pogodnosti u ukupnom iznosu od 1.203,85 KM.

2. Ovaj Zaključak objaviti u "Službenom glasniku Općine Donji Vakuf".

Broj: 01/1-14-1525/01  
Donji Vakuf, 24.12.2001. godine

PREDSJEDAVALAČI OPĆINSKOG VIJEĆA  
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf je na sjednici održanoj 22.12.2001. godine usvojilo

### ZAKLJUČAK

#### o oslobađanju plaćanja naknade Kahrić Latifa

1. KAHRIĆ LATIF iz Torlakovca kojem je Rješenjem Općinskog vijeća broj 01/1-31-1292/01 od 31.10.2001. godine dodijeljeno na korištenje u svrhu izgradnje porodično stambene zgrade građevinsko zemljište društvene-državne svojine, oslobađa se plaćanja naknade za dodijeljeno zemljište u iznosu od 3.186,00 KM.

2. Ovaj zaključak objaviti u "Službenom glasniku Općine Donji Vakuf".

Broj: 01/1-31-1524/01  
Donji Vakuf, 24.12.2001. godine

PREDSJEDAVALAČI OPĆINSKOG VIJEĆA  
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf je na sjednici održanoj 28.12.2001. godine, donijelo

### ZAKLJUČAK

#### o prihvatanju Informacije o povratku izbjeglih i raseljenih osoba, provedbi imovinskih zakona i obnovi na području Općine Donji Vakuf

1. Prihvata se INFORMACIJA O POVRATKU IZBJEGLIH I RASELJNIH OSOBA, PROVEDBI IMOVINSKIH ZAKONA I OBNOVI NA PODRUČJU OPĆINE DONJI VAKUF.

2. Ovaj Zaključak objaviti u "Službenom glasniku Općine Donji Vakuf".

Broj: 01/1-31-1570/01  
Donji Vakuf, 31.12.2001. godine

PREDSJEDAVALAČI OPĆINSKOG VIJEĆA  
Hadžić Džavid, dipl.ing šumarstva

Na osnovu člana 31. Zakona o budžetima u Federaciji Bosne i Hercegovine ("Službene novine FBiH", broj: 20/98) i člana 34. Statuta Općine Donji Vakuf ("Službeni glasnik Općine Donji Vakuf", broj: 2/98 i 2/01) na prijedlog Načelnika Općine, Općinsko vijeće Donji Vakuf na sjednici održanoj 14.02.2002. godine, donosi

### ODLUKU

#### o privremenom finansiranju općine Donji Vakuf za period od 01.01. do 20.02.2002. godine

#### Član 1.

Ovom Odlukom utvrđuje se privremeno finansiranje Općine Donji Vakuf za period od 01.01. do 20.02.2002. godine u iznosu od 105.930,00 KM.

<b>I UKUPNI PRIHODI</b>	<b>105.930,00 KM</b>
<b>II RASHODI</b>	
<b>1. PRIMANJA UKUPNO</b>	<b>48.699,00 KM</b>
<b>BRUTO PLATE</b>	<b>41.914,00 KM</b>
<b>TOPLI OBROK</b>	<b>6.785,00 KM</b>
<b>2. TROŠKOVI SLUŽBI</b>	<b>19.892,00 KM</b>

1. DNEVNICE	468,00 KM
2. PREVOZ RADNIKA	380,00 KM
3. DNEVNICE KOMISIJA	936,00 KM
4. PAUŠAL VIJEĆNIKA	3.837,00 KM
5. GORIVO ZAAUTO	468,00 KM
6. UGALJ	561,00 KM
7. KOMUNALNO	3.743,00 KM
8. UTROŠAK. KANCEL. MATEIJALA	702,00 KM
9. PUBLIKACIJE	328,00 KM
10. ČIŠĆENJE PROSTORIJA	140,00 KM
11. STRUJA	7.019,00 KM
12. PTT	1.170,00 KM
13. REPREZENTACIJA	140,00 KM

3. BUDŽETSKI KORISNICI	37.339,00 KM
------------------------	--------------

1. RADIO	2.901,00 KM
2. DOM KULTURE	2.901,00 KM
3. VATROGASNO DRUŠTVO	2.901,00 KM
4. VRTIĆ	2.901,00 KM
5. JAVNO PRAVOBRANILAŠTVO	1.638,00 KM
6. SPORT	2.000,00 KM
7. RVI	702,00 KM
8. PORODICE ŠEHIDA	562,00 KM
9. STIPENDIJE	1.404,00 KM
10. POLITIČKE STRANKE	2.620,00 KM
11. CRVENI KRIŽ	1.029,00 KM
12. MJESNE ZAJEDNICE	702,00 KM
13. REZERVA	246,00 KM
14. CENTAR ZA SOCIJALNI RAD	8.422,00 KM
15. ALTERNATIVNI SMJEŠTAJ	1.731,00 KM
16. PREVOZ ĐAKA	4.679,00 KM

UKUPNO RASHODI	105.930,00 KM
----------------	---------------

### Član 2.

Odluka stupa na snagu danom donošenja, a primjenjivat će se od 01.01.2002. godine.

### Član 3.

Ova Odluka će biti objavljena u "Službenom glasniku Općine Donji Vakuf".

Broj: 01/1-14-192/02  
Donji Vakuf, 15.02.2002. godine

PREDSJEDAVALAČI OPĆINSKOG VIJEĆA  
Hadžić Džavid, dipl.ing šumarstva

Na osnovu člana 34. Statuta Općine Donji Vakuf ("Službeni glasnik Općine Donji Vakuf", broj: 2/98 i 2/01) i člana 25. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf na sjednici održanoj 28.02.2002. godine, donijelo je

## ODLUKU o imenovanju Komisije

### Član 1.

U cilju pomoći predlagачu pri izradi Budžeta

Općine Donji Vakuf, imenuje se Komisija u sastavu:

1. Pomoćnik načelnika za privredu i finansije
2. Pomoćnik načelnika za društvene djelatnosti i opću upravu
3. Direktori javnih preduzeća i ustanova.

Koordinator Komisije je Pomoćnik načelnika za privredu i finansije.

### Član 2.

Zadatak Komisije je:

- da sagleda stvarne potrebe budžetskih korisnika (javnih preduzeća i ustanova) te njihovu mogućnost da doprinesu vlastitom finansiranju,
- da se uravnoteže koeficijenti budžetskih korisnika.

### Član 3.

Ovu Odluku objaviti u "Službenom glasniku Općine Donji Vakuf".

Broj: 01/1-05-748/02  
Donji Vakuf, 04.03.2002. godine

PREDSJEDAVALAČI OPĆINSKOG VIJEĆA  
Hadžić Džavid, dipl.ing šumarstva

## SADRŽAJ

Red  
broj

1. Odluka o izmjeni i dopuni Odluke o verifikaciji vijećničkih mandata	1
2. Odluka o imenovanju Općinske izborne komisije	1
3. Odluku o davanju saglasnosti na imenovanje Općinske izborne komisije	1
4. Odluka o izmjeni i dopuni Odluke o imenovanju Općinske izborne komisije	2
5. Rješenje o utvrđivanju trajnog prava korištenja građevinskog zemljišta društvene-državne svojine OPARDIJA NAILU	2
6. Rješenje o odbijanju zahtjeva NENAD BORIS-LAVA	3
7. Zaključak po pitanju stanja u privredi i odnosa privrednika prema plaćanju i visini cijena naknade za korištenje gradskog građevinskog zemljišta	4
8. Zaključak o prihvatanju nacrtu Programa uređenja gradskog građevinskog zemljišta	4
9. Zaključak o prihvatanju Nacrta Odluke o komunalnom redu	4
10. Zaključak o oslobađanju plaćanja Dobrovoljnog vatrogasnog društva	5
11. Zaključak o oslobađanju plaćanja naknade Khrić Latifa	5
12. Zaključak o prihvatanju Informacije o povratku izbjeglih i raseljenih osoba, provedbi imovinskih zakona i obnovi na području Općine Donji Vakuf	5
13. Odluka o privremenom finansiranju Općine Donji Vakuf za peiod 01.01. do 20.02.2002. godine	5
14. Odluka o imenovanju Komisije	6